

佛
藏
輯
要

18

巴蜀書社

第一十八冊

佛藏輯要

周紹良

題



新學
新學
PDG

目錄

首楞嚴經纂注

一

佛說佛頂尊勝陀羅尼經

二〇九

佛母大孔雀明王經

二一四

佛說隨求即得大自在陀羅尼神咒經

二四七

七俱胝佛母所說準提陀羅尼經

二五九

不空絹索神咒心經

二七〇

千手眼大悲心咒懺法

二七七

大悲心咒像解

二八一

大悲心咒行法

二九五

藥師琉璃光七佛本願功德經

三〇六

佛說天中北斗古佛消災延壽妙經略考

三二三

阿彌陀鼓音聲王陀羅尼經

三三三

大寶廣博樓閣善住秘密陀羅尼經	三三七
一切如來心秘密全身舍利寶篋印陀羅尼經	三六七
即身成佛義	三七一
十八契印	三七六
卅字義	三八一
顯密差別問答鈔	三八八
隨行一尊供養念誦私記注	四一九
菩提正道菩薩戒論	四七六
緣起讚論略釋	五三七
菩提道次第廣論	五四六

大佛頂首楞嚴經纂註題辭

界師纂註舊本余十年前曾見之去秋晤於南翰官舍所示今本則改竄已十五六蓋取諸家之說妄夷煩冗會歸精約而間附己意不但作聖經孝子且爲諸師忠臣其功顧不邵歟雖然楞嚴有顯密經首云卽時如來敷座宴安爲諸會中宣示深奧法筵清眾得未曾有迦陵仙音徧十方界如來有示清眾有得音聲普聞而無一字此密楞嚴也慶喜殷勤啟請如來妙辯演說此顯楞嚴也顯以詮密則十卷經文已爲註腳註腳之下又添註腳入海算沙竟亦何益對

首楞嚴經纂註卷首

一

盲者說天如蓋如雞子其理不得不然有目者則仰面一觀而已界師約諸家之意蓋不獨爲盲者設而所望於有目者尤至願與善讀楞嚴之士共勉之萬歷乙未三月十日眞實居士馮夢禎時遊雙徑憩文殊臺靜室敬題

歲戊寅予於山中讀楞嚴時諸名衲畢集予訊經中如是世界因動有聲因聲有色義酬者悉枝蔓幻居上人獨謂予曰動爲業本一切諸法本自寂滅一念心動六亂橫生其言因動有聲因聲有色謂一涉於有則法法皆有耳予灑然異之乃上人於此經朝夕探索不已逮甲午越十有七年其所纂註四易纂而成以示予於秣陵且謂予曰纂子所問予所告者何獨一章之旨實囊括全經矣夫因動有聲顛倒眾生因之輪轉也入流亡所觀音大士以之圓通也蓋心本無心相元無相而眾生不覺一念妄動由塵發知

首楞嚴經纂註卷首

二

妄見於心因根起相妄見於相由是而七趣昏擾沒溺長夜動也若達相見無性猶若交蘆則內無能推之心外無所現之相由是而動靜二相了然不生空所空滅寂滅現前亡也動則見空見色故曰迷妄有虛空依空立世界也亡則空色皆眞故曰一人發眞歸元十方虛空悉皆銷殞也是故七徵之所破者破此動也入還之不可還者還此亡也動則聽不越聲視不踰色一身且胡越亡則陰入處界莫非妙圓地水火風不相陵滅殫二十五聖之所證窮五十五位之所詣皆盡此動竟此亡耳故曰入於如來妙莊嚴

海圓滿菩提歸無所得。予曰：歸無所得，又何以見？何以修？何以證也？曰：動則有苦，非見無所得，修無所得，證無所得，無以息苦也。雖在十地，猶有學佛煩惱，況具縛哉？予聞之，若喝者之得冷風，上人命予卒讀其書，意或有所異同乎？予掩卷曰：子既已示我矣，見後視而復欲試其猛力，不亦過計乎？註之得於長水溫陵者十之七，得於泐潭孤山諸家者十之二，得於上人之獨見者十之一。諸師名號不復錄，以融而為一，則經旨脈絡相屬，讀者為便。且諸師所說世習見之，讀可自見也。此上人所語，予者卒之卷，未嘗展也。

首楞嚴經集註卷首

三

萬曆甲午十月晦日，那羅延窟學人瞿汝稷槃談撰

大佛頂首楞嚴經集註序

夫楞嚴三昧，本然清淨，匪由悟得，豈藉修成？然智鏡長昏，捨妙悟何能大朗？心珠久翳，假圓修始得廓清。是以慶喜因邪染而詢最初方便，世尊依妄緣而詰因地發心。見相生心，誠為迷真認妄，徵心辯見，實乃破妄顯真。雖顯真而破妄，仍會妄以歸真，破斥重重，意使知真識妄，會通法欲其了妄即真，故當機開微妙開示，而倒想銷亡，真心頓悟，滿慈聆第一義諦，而所知障蔽疑問風生，清淨本然世界眾生因迷妄起，如空澄寂，浮虛華相從翳幻生，悟之則清淨本然。

首楞嚴經集註卷首

四

迷之則山河大地，背覺合塵，執諸相而致相傾相奪，滅塵合覺，圓一性而得互徧互容，迷真妙覺，明山河大地，從茲頓現得妙空明覺，有為習漏何當復生？迷方既悟，不復更迷，幻翳若除，空華永滅，金出鑛豈重為鑛，木成灰何再生枝，聞斯而真妄先後之見應銷，達此而悟迷始終之疑永息，於是雖知法從妄有，未明妄何所因，故先引達多照鏡狂走喻，妄想因無所，在次勸滿慈不分別法，令狂心歇，即菩提而當機復，疑菩提之心合從因緣而得，故世尊重引達多之事，明非假藉而成，繼此顯無戲論法，結責多問勸修無。

漏。由是得執銷心悟獲天王宅求造入門然詣大涅槃要依本發心路入佛知見須假攝伏根門故初審因地發心令以湛旋其生滅而伏還元覺次審煩惱根本教依根逆彼業流而循順圓通擊鍾顯常悟聞性則不執常爲斷縮巾示結解狂心卽得妙證無生一六亡義雖知圓通本根未悉故先救諸聖說修行方便次命文殊選眞實圓通宣清淨明誨以攝初心演祕密伽陀令銷宿習於是遠客識歸家之路旅人得賜屋之門五十五位由是路以趣登單複十二假斯門而證入然則眞如界內雖亡悟修之迹生滅門

首楞嚴經纂註卷首

五

中豈礙解入之名文殊請示經題實爲流通大法世尊精研界趣意在禁遏迷情繼復詳辯陰魔盡芟見刺塞迷津之邪徑啟法殿之正階圓滿菩提歸無所得兩忘眞妄一契果因究竟窮源斯經爲最余始窺會解頗信於佛旨無遺久翫經文漸覺於聖心未盡潛神默究稍獲端倪由是搜諸家之章疏纂眾解之精微明宗趣而辯析異同會問答而申明隱略其猶捧土何增萬仞掬水豈益九淵不揆闇短妄擬會通採集羣言自爲纂註所冀依文了義頓悟常住眞心如說修行速證楞嚴三昧寓徑山沙門眞界述

楞嚴釋疑

釋疑之說因學法者披閱此經於奢摩他三摩禪那處或從古註或執已見以理爲行迷見爲修旨意不明讀今纂註不能無疑故此先明宗本而後略舉數條以釋焉原夫妙奢摩他三摩禪那者乃一經之大本三分之綱宗也奢摩他者寂靜義也三摩者明照義也禪那者明靜不二義也性體本覺謂之明覺體本寂謂之靜明靜不二謂之體此約明靜之體言也卽究竟堅固之理亦謂之安住定也良以明靜之體俄然晦昧動念瞥生卽本明而爲無明全本靜而成

首楞嚴經纂註卷首

六

動念於是因動以修止止其動也因昏以修觀觀其昏也止觀功著昏動自亡明靜自復矣此約止觀之用言也卽究竟堅固之行亦謂之引起定也經云有三摩提名大佛頂首楞嚴王具足萬行斯則奢摩他等通於理行明矣故阿難首問十方如來得成菩提妙奢摩他三摩禪那最初方便者意在明究竟堅固之理而爲修行之本非問進修之行也蓋十方如來由明此妙奢摩他三摩禪那爲最初方便而得成菩提之果是以阿難卽指果體以問初因豈非意在明究竟堅固之理耶則最初方便只可指信解眞正不

當復說耳根圓通。且三卷半經皆屬見道。此豈問修是知初問爲見道分之總問也。又阿難請示奢摩他路意在求示自性首楞嚴妙莊嚴路。非求示止行也。然奢摩他等既通理行矣。以之爲自性。非惟不違於理。亦乃發請示者之本意耳。所以世尊放光之後。先指真妄二心。以明生死涅槃根本。後卽牒其問意云。汝今欲知奢摩他路。願出生死。蓋妄心是無始生死本也。真心是出生死證涅槃本也。既以欲知奢摩他路爲願。出生死豈非欲知奢摩他路是欲知自性乎。由是卽舉拳以問。意在驗其用心。真妄因其復認能

首楞嚴經疏註卷首

七

推卽咄而告言。此是前塵虛妄相想。乃至結示云。皆由執此生死妄想。誤爲真實。故不成聖果。然上所開示。但欲其識妄知真。而出生死。文中未嘗論修。故知請示奢摩他路。是求示自性。非求示止也。又阿難問見見非見。重增迷悶。卽復請云。惟願弘慈。施大慧目。開示我等覺心。明淨此欲求釋迷悶。得心明淨也。而世尊將欲敷演大陀羅尼。諸三摩提妙修行路。告阿難言。汝雖疆記。但益多聞。於奢摩他微密觀照。心猶未了。故於真見體用。而生迷悶。蓋真見體也。寂照用也。以真見之體法。爾具寂照之用。是則寂而常照。故

能照了見精。是妄照而常寂。故見非是見。阿難既於真見體用二俱不達。而增迷悶。世尊卽復指同別二見。重示奢摩他觀照云。本覺明心。覺緣非覺。覺所覺。覺緣非覺等。卽諸三摩提妙修行路也。由本覺之體寂而常照。故能覺了諸緣。是妄照而常寂。故不墮於昏中。此實見見之時。見非是見。卽重示奢摩他觀照以釋見見非見之迷。令其覺心明淨也。或謂既云奢摩他觀照。又云諸三摩提妙修行路。豈非示進修止觀。何局于見道耶。答。不然。以此文中是破妄見。妄覺

首楞嚴經疏註卷首

八

而顯真見。真覺欲阿難知真見。真覺之體法。爾具寂照之用。而能破妄。故經云。汝復應知見見之時。見非是見。意在其知而後行。行而破妄也。若阿難知真覺體用。卽知大陀羅尼。諸三摩提妙修行路。今阿難既不知真見體用。而生迷悶。則於理行二俱不知矣。是以雖云奢摩他觀照妙修行路。而文屬破妄顯真意。在其知理知行。故屬見道不屬修道也。然妙奢摩他三摩禪那。既通理行。則見道之所見者。見此理也。故云。知如來藏妙覺明心。含育如來十方國土等。修道之所修者。修此行也。故於修道文中。卽明止觀二決

定義證果之所證者證此理也故云是覺始獲金剛
心中初乾慧地卽還證佛三摩地故予謂之一經大
本三分綱宗而古人所謂依究竟堅固之理修究竟
堅固之行修究竟堅固之行還證究竟堅固之理首
楞嚴經大旨如是

楞嚴釋疑

首楞嚴經纂註卷首

九

大佛頂如來密因修證了義諸菩薩萬行首楞嚴經
纂註卷第一

唐天竺沙門般刺密諦譯

唐烏菟國沙門彌伽釋迦譯語

唐菩薩戒弟子前正議大夫同中書門下平

章事清河房融筆受

明檣李沙門眞界纂註

如來果體其體本然何假密因菩薩道用其用無
作孰爲萬行無因無行無修無證無了不了大小
名相一切不立此眞首楞嚴究竟堅固者也特以

首楞嚴經纂註卷一

一

眾生如來隱於藏心非密因不顯眾生菩薩淪於
七趣非萬行不修覺皇於是示之以大法使不迷
於小道而默得乎無外之體喻之以佛頂使不滯
於相見而妙極乎無上之致指如來密因使明本
妙心知三世諸佛皆依此爲初因明修證了義使
悟究竟法知一切聖人皆依此而證果乃至具足
菩薩萬行一切事法無不究竟至於實相堅固不
壞故名大佛頂如來密因修證了義諸菩薩萬行
首楞嚴首楞嚴此翻一切事究竟堅固卽一經理
行之本聖凡依正之體也以未明此體一切事法

宛爾差殊爲法所縛得此體時山河大地明暗色空聖凡染淨一切事法當處寂滅卽是常住心性故云一切事究竟堅固經卽能詮之文詮猶筌也學者能勿執筌爲魚則首楞嚴眞經可得矣纂註者謂纂集諸家之語以註釋此經也夫楞嚴自興福而下解者凡十有餘家茲所纂集則長水溫陵二氏居多而諸師名氏則俱隱而不出蓋以或採多文而會通其意或用一意而少變其文或多一兼收意文俱用而初無損益然愚昧間有一得則亦竊附其間但取文理直捷貫通以發明經旨而已

首楞嚴經纂註卷一

二

已苟無當於經卽其談理幽玄爲文美富皆無取焉良以在古固不無千里之蹶於今亦不無一管之明以故在昔諸師且未免入此出彼黨同伐異如飲海者各飽一味照摩尼者自見一色若曰究盡則惟佛與佛耳

通敘科判

楞嚴一經自唐至宋科判疏釋代有哲人然其科經皆執匿王瑠璃異代謂非一會頓說其判教皆局持地耶輸等事而斷爲法華之後愚竊疑焉請先質之夫夜壑負趨速於反掌匿王代謝可唯且

暮而楞嚴法會自夏徂冬此不應執異王疑異會也法華自燈明已來諸佛無時不說菩薩無時不證持地旣曰聞諸如來宣妙蓮華豈止釋迦歟又第四經中稱摩登由神呪力消其愛欲與耶輸同悟宿因或得出纏或蒙授記者此如來懸示未然也故下第六經中性比丘尼問說偈已成阿羅漢靈山法會授記耶輸旣出纏授記皆居說後得非懸示未然乎但以或字觀之蓋可知矣經言最後垂範者彼乃結辨魔文當第十卷末實楞嚴法會最後非臨滅之最後也舊引多說不可縷疏皆未

首楞嚴經纂註卷一

三

足爲科判準繩科判失準則理義自差今准吾佛設教之序未知其可也請陳管見夫法王說法有條不紊初說一乘頓教以立本卽華嚴也次說三乘漸教以逗機卽阿含方等般若也後說一乘圓教以顯實卽法華也楞嚴卽般若法華之中實大乘終極之教故如來密因菩薩萬行修證之法一切畢竟自此已往無復進修直造一乘圓妙之道故法華會上更無地位之說純談妙法隨根印可授記作佛而已蓋出興大事於法華至矣盡矣不可有加矣法華之後便說涅槃扶律談常而終焉

其扶律者所以囑後事。談常者所以示真寂。此獨臨滅遺付之事。非有加於法華也。說者不本扶律之意。輒判楞嚴在法華後。亦稱扶律談常。然則進修既畢。而又進修扶律之後。而又扶律。前則加於法華。後則贅於涅槃。是乃倒置枝駢。紊於法王之法矣。夫進修之事。譬稼穡猶耘耨。譬美菓猶敷華。既號法華。秋穫涅槃。拈拾則不應。獲拾之中。又耘耨也。既號法華。廢權立實。如華落蓮現。則不應廢落之後。又敷華也。以經證之。鈴鐺之子。既領寶藏。復何所求。化城之人。既到寶所。復何前進。燈明說

首楞嚴經註卷一

四

法華已便於中夜涅槃。釋尊說法華已便於四眾唱滅。復何枝蔓於楞嚴哉。如必楞嚴居後。則阿難既於法華諸漏已盡。而復於楞嚴未盡諸漏。既於法華堪任佛記。而復於楞嚴未全道力。既先領悟妙法。而復不知真際所詣。既已安住佛道。而復為彼所轉。溺於姓舍。是皆倒置理自不然。故判楞嚴在般若之後也。蓋般若之後。慧學方盛。定力未全。人或溺於多聞。失於正受。於是示首楞嚴之大定。資般若之大慧。使定慧均等。學行兩全。而究竟趣於一乘實相。此楞嚴所以作也。論三經大致。無非

為一大事因緣。必先藉般若發明。次由楞嚴修證。終至法華印可。然後盡諸佛能事。序固如是也。然導達禪乘。決擇正見。無尚楞嚴矣。其科準常大分。為三。初序分。二正宗。三流通序。分分二。初陳時處。主伴以證信。次陳阿難示迹以發起。正宗文五。一見道分。初由七徵以顯常住真心。性淨明體。即第一次由八還以辨妙淨見精。顯如來藏。第二後即山河萬象。宣勝義中真勝義性。至中皆使行人明心見性。為修證密因。故名見道分。二修道分。首示初心。二決定義。令審因心。果覺文審煩惱根本。為修

首楞嚴經註卷一

五

行真基。至中次示六根舒結。倫次令解。結心而得妙圓通。為修行真要。至中此利根修進之一終也。故阿難至此。明了菩提所歸道路。自謂已悟成佛。法門。而願度末世。復請安立道場。攝心軌則。遂聞三無漏學。四種律儀。及大神呪。至中總為修行方便。故名修道分。三證果分。始從凡夫。終大涅槃。歷示增進五十七位。至盡妙覺。成無上道。故名證果分。至中四結經分。列示五名。結顯大旨也。至中五助道分。初明天獄七趣。一唯心造。次明奢摩他中微細魔事。恐諸行人洗心。非正失錯。墮落。故名助道

也。^八夫見道然後修道。修道然後證果。修證事
^{十末}畢於是結經。楞嚴法要止此而已。而世尊大慈復
欲持戒眾生。謹潔無犯。真修行者。不遭歧歧。故說
助道之法。為最後垂範。遂入流通而終會焉。此乃
一經綸貫。連環不斷。不可判為異會。科為異義也。
此其大略耳。隨文消釋。乃盡其詳。然以今視昔。稍
多違戾。專門舊學。不免矛盾。惟通人考之。
如是我聞。一時佛在室羅筏城祇桓精舍。與大比丘
眾千二百五十人俱。

如是之法。我從佛聞。此集者因佛立言。證法有所

首楞嚴經卷一

六

授而已。不必他說。一時之語。亦因佛立。諸經通用
故不定指也。佛具云。佛陀。此云覺者。室羅筏。或云
舍衛。新翻豐德。以國豐四德。一貨財。二欲境。三多
聞。四解脫。祇真云。祇陀。正云逝多。此翻戰勝。太子
之名也。生時父王與外國戰勝。因立美號。即須達
為之。買園造立精舍。以施佛者。桓即林也。比丘舍
三義。謂乞士。破惡怖魔也。千二百五十人者。初度
陳如等五人。次度三迦葉兄弟。兼徒一千。次度舍
利弗。目犍連。各兼徒一百。次度耶舍長者等五十
人。經舉大數。故減五人。俱者。師資交際。同聚一時。

也。此眾並先事外道。勤苦累劫。一無所證。纔遇佛
即得上果。故感佛恩。常隨佛化。為常隨眾也。

皆是無漏。大阿羅漢。佛子住持。善超諸有。能於國土
成就威儀。從佛轉輪。妙堪遺囑。嚴淨毘尼。弘範三界。
應身無量。度脫眾生。拔濟未來。越諸塵累。

此歎德也。初二句。總歎佛子下別歎。所謂住持者。
住於中道。任持不失。即無漏義也。言無漏者。不漏
落二邊也。善超諸有。則不漏於有。能於國土。下則
不漏於空。所謂善超者。即諸有而超。諸有故也。所
謂妙堪者。能超諸有。而又能於國土。從佛轉輪。不

首楞嚴經卷一

七

滯於空。有故堪遺囑。且又嚴毘尼。以弘範三界。示
應身而度脫眾生。意非利彼一時。直欲拔濟未來。
使皆超諸有塵累。如是則能自利利人。故歎云。無
漏。大阿羅漢也。

其名曰。大智舍利弗。摩訶目犍連。摩訶拘絺羅。富樓
那。彌多羅尼子。須菩提。優波尼沙陀等。而為上首。
此列名也。舍利。此云驚弗。即子也。其母名舍利。以
其眼黑白分明。轉動流利如之。故連母為名。目犍
連。姓也。此云采菽氏。名拘律陀。此云無節樹。摩訶
拘絺羅。此云大膝。富樓那。父名。此云滿。彌多羅尼

母名此云慈今連父母名名云滿慈子須菩提云
空生。生時庫藏皆空。占者云既善且吉。故亦云菩
現善吉。優波尼沙陀此云塵性空。諸經列名不同。
尙年臘則先陳如。尙聲德則先鷲子。今從尙德之
例也。

復有無量辟支無學。并其初心同來佛所。屬諸比丘
休夏自恣。十方菩薩咨決心疑。欽奉慈嚴。將求密義。
卽時如來敷座宴安。爲諸會中宣示深奧。法筵清眾。
得未曾有。迦陵偃音。徧十方界。恆沙菩薩來聚道場。
文殊師利而爲上首。

百緣經卷一

入

辟支具云辟支迦羅此云緣覺。以觀十二因緣而
覺悟。故此是部行。非同麟喻。麟喻者喻麟之獨出。
無佛世卽獨覺也。部行者部黨而行。出有佛世卽
緣覺也。主伴咸集。故云并其初心同來佛所。屬值
也。自恣律開三日七月十四十五十六也。自有恣
失恣任。僧舉曰自恣九旬。禁足莫由觀佛。故於休
夏咨決心疑。自恣決疑。皆所以考九旬德業也。欽
奉如來而稱慈嚴者。慈以恩言。嚴以威言。密義卽
密因之義。宣示深奧。所以爲楞嚴發起如法華以
無量義爲發起也。迦陵頻伽偃禽也。其音和雅。佛

音如之。文殊此云妙德。表根本智。楞嚴會上爲擇
法眼。故居上首也。

時波斯匿王爲其父王諱日營齋。請佛宮掖。自迎如
來。廣設珍羞。無上妙味。兼復親延諸大菩薩。

波斯匿此云勝軍。卽舍衛國王也。諱日卽忌日。宮
掖主之內庭也。於內庭延佛敬之至也。

城中復有長者居士。同時飯僧。佇佛來應。佛敕文殊
分領菩薩及阿羅漢。應諸齋主。惟有阿難先受別請。
遠遊未還。不遑偈次。既無上座及阿闍黎。遂中獨歸。
其日無供。卽時阿難執持應器。於所遊城次第循乞。

百緣經卷一

九

心中初求最後檀越。以爲齋主。無問淨穢利尊。姓
及旃陀羅。方行等慈。不擇微賤。發意圓成一切眾生
無量功德。

此敘其誤墮婬室之由也。受別請者。阿難於眾檀
請齋之先。受別請而遠遊未還。不遑偈次也。偈次
謂次第差僧受請也。律制僧遠出。侶須三人。一上
座。一軌範師。所以嚴行止防誤失也。鉢曰應器。最
後檀越。謂未飯僧者平等之慈。於已等心而化。使
彼等心而施。於食等者。於法亦等。俾施者見者得
福無量。所以能成無量功德。若摩登者。卽穢而微

賤阿難既無揀擇所以誤墮也刹帝利王族旃陀羅云殺者即屠脍姪酒之家

阿難已知如來世尊訶須菩提及大迦葉爲阿羅漢心不均平欽仰如來開闢無遮度諸疑謗經彼城隍徐步郭門嚴整威儀肅恭齋法

此敘平等行慈之意也須菩提捨貧從富大迦葉捨富從貧一爲富者易施一爲貧者植因如來訶之彼其心無遮限而息不均之疑謗故阿難欽仰以肅恭齋法齋法者齊整嚴重次第行乞之謂也或局維摩經謂非如來訶責安知如來不訶獨淨

首楞嚴經卷一

十

名訶哉

爾時阿難因乞食次經歷姪室遭大幻術摩登伽女以娑毗迦羅先梵天呪攝入姪席姪躬撫摩將毀戒體

正明誤墮姪室也摩登伽義翻本性卽妓女也娑毗迦羅此云黃髮外道所傳幻呪名先梵天寶妖術耳姪躬撫摩將毀戒體者以身逼近將毀淨戒之體也後云心清淨故尚未淪溺則將毀而已如來知彼姪術所加齋畢旋歸王及大臣長者居士俱來隨佛願聞法要於時世尊頂放百寶無畏光明

光中出生千葉寶蓮有佛化身結跏趺坐宣說神呪敕文殊師利將呪往護惡呪銷滅提獎阿難及摩登伽歸來佛所

此明說呪往護也如來常儀受請齋畢皆爲說法今既速歸必有所爲故王臣大眾隨而來也頂門爲無上果光有百寶色謂之無畏者能懾魔外物無以勝也世尊不自說呪而於頂光化佛說者示此呪乃無爲心佛無上心法也

阿難見佛頂禮悲泣恨無始來一向多聞未全道力殷勤啟請十方如來得成菩提妙奢摩他三摩禪那

首楞嚴經卷一

十二

最初方便於時復有恆沙菩薩及諸十方大阿羅漢辟支佛等俱願樂聞退坐默然承受聖旨

資躬啟請成菩提之最初方便也蓋多聞之慧必資見性道力乃全而不爲邪攝今阿難一向多聞未全道力故問十方如來得果初因蓋謂十方如來得成菩提之果皆依見性爲因故指果體以問初因正同圓覺文殊啟請一切如來本起因地也奢摩他寂靜義也三摩明照義也禪那明靜不二義也義雖有三心體惟一舉一卽三言三卽三一俱非故以妙稱卽自性首楞嚴也言最初方便

者卽請示自性首楞嚴意在悟此以成密因故釋
題中云指如來密因使明本妙心知三世諸佛皆
依此爲初因卽斯義也然此問密因而云最初方
便者以法界性中尙絕修證何假密因今云得菩
提明自性皆方便耳以見修證三分而言則見道
爲最初方便故長水亦指信解眞正爲最初方便
也竊觀阿難因問最初方便而如來下文卽反問
其當初發心意在驗因地之眞僞則此最初方便
豈非問得果之初心乎然得果旣由因地而阿難
用妄迷眞是以始則決擇眞妄次則會妄歸眞後

首楞嚴經義疏卷一

十三

直勝義中眞勝義性以至見道分終皆是發明自
性首楞嚴而已苟悟此性則信解眞正而名見道
見道卽得最初方便故知此問爲見道分之總有
謂未全道力是有多聞慧而無正定故請示止觀
及耳根圓通意在修此以全道力愚謂多聞而未
見道則力用未全遂爲登伽所攝故請示自性首
楞嚴意在悟此以全道力以成最初方便也請詳
佛告阿難汝我同氣情均天倫當初發心於我法中
見何勝相頓捨世間深重恩愛阿難白佛我見如來
三十二相勝妙殊絕形體映徹猶如瑠璃常自思惟

此相非是欲愛所生何以故欲氣羶濁腥臊交遘膿
血雜亂不能發生勝淨妙明紫金光聚是以渴仰從
佛剃落

因前啟請十方如來最初方便故此追問阿難因
地發心以驗其眞耶妄耶何阿難之見皆生滅也
是則見相實有生滅宛然緣此發心安趣常果故
下經云若於因地以生滅心爲本修因而求佛乘
不生不滅無有是處阿難此云慶喜是佛堂弟故
云同氣同氣共本也天倫兄弟也

佛言善哉阿難汝等當知一切眾生從無始來生死

首楞嚴經義疏卷一

十三

相續皆由不知常住眞心性淨明體用諸妄想此想
不眞故有輪轉

此先讚其發心而復令知一切眾生迷眞用妄輪
轉生死者欲其因心眞直故令先知眾生輪迴之
本末卽牒其問意敕使直心也蓋以一切眾生皆
由因心不眞輪轉生死汝今欲研眞發明性當以
直心是則因心須當眞直也然前雖因心不眞矣
此復讚之者蓋慰其迷甚欲舍緩開導故也

汝今欲研無上菩提眞發明性應當直心酬我所問
十方如來同一道故出離生死皆以直心心言直故

如是乃至終始地位中間永無諸委曲相阿難我今問汝當汝發心緣於如來三十二相將何所見誰爲愛樂阿難白佛言世尊如是愛樂用我心目由目觀見如來勝相心生愛樂故我發心願捨生死

欲其直陳所述卽牒前請令直心酬問也且十方如來皆以直心出離生死汝既欲研眞發明性亦當以直心也汝今下牒前請問應當下敕令直答十方下明如來得果之本問誰愛樂重徵妄本也答因心目正陳妄本也目卽眼根心卽意識根識虛妄猶如空華既執有體能見能樂卽不知眞而

首楞嚴經卷一

十四

用妄想豈能研眞發明性而捨生死哉故後文云六爲賊媒自劫家寶無始虛習住地無明皆由根識生死輪轉莫不由斯故下推徵令知虛妄

佛告阿難如汝所說眞所愛樂因於心目若不識知心目所在則不能得降伏塵勞譬如國王爲賊所侵發兵討除是兵要當知賊所在使汝流轉心目爲咎吾今問汝惟心與目今何所在

因答心目遂徵其所在也心目卽塵勞本若不知心目所在則不能降伏塵勞如國被賊侵發兵討除若不知賊之所在賊不能除今使汝流轉者皆

由心目則心目今何所在

阿難白佛言世尊一切世間十種異生同將識心居在身內縱觀如來青蓮華眼亦在佛面我今觀此浮根四塵祇在我面如是識心實居身內

此答心目所在卽計心在內也謂心在內目在外自眾生至如來阿難皆然文互見也異生有十二類除土木空散非心眼倫也浮根四塵言眼也詳見第四卷中此雖心目雙計下乃先破其心也

佛告阿難汝今現坐如來講堂觀祇陀林今何所在世尊此大重閣清淨講堂在給孤園今祇陀林實在

首楞嚴經卷一

十五

堂外阿難汝今堂中先何所見世尊我在堂中先見如來次觀大眾如是外望方矚林園阿難汝矚林園因何有見世尊此大講堂戶牖開豁故我在堂得遠瞻見

將破在內之心此先引事辨定也定內外境欲明在內之心當次第見定先後見欲破在內之心不先見內既辨定已下乃牒破

爾時世尊在大眾中舒金色臂摩阿難頂告示阿難及諸大眾有三摩提名大佛頂首楞嚴王具足萬行十方如來一門超出妙莊嚴路汝今諦聽阿難頂禮

伏受慈旨

上既引事辨定此應直破在內之心何先許示首楞嚴三昧耶答因前依首楞嚴三昧問最初方便故摩頂許示自性首楞嚴欲其明此以知妙莊嚴路以成最初方便也或謂自性首楞嚴何所示耶答阿難所執皆有在有著局量之心世尊所破皆顯無在無著充擴法界之心豈非示自性首楞嚴三昧乎苟能悟此卽知妙莊嚴路以成最初方便也因其不悟故下復求開示奢摩他路奢摩他與此三摩提皆指自性首楞嚴三昧路卽妙莊嚴路

首楞嚴經卷一

十六

佛告阿難如汝所言身在講堂戶牖開豁遠隔林園亦有眾生在此堂中不見如來見堂外者阿難答言世尊在堂不見如來能見林泉無有是處阿難汝亦如是汝之心靈一切明了若汝現前所明了心實在身內兩時先合了知內身頗有眾生先見身中後觀外物縱不能見心肝脾胃爪生髮長筋轉脉搖誠合明了如何不知必不內知云何知外是故應知汝言覺了能知之心住在身內無有是處

此破執心在內也如汝下復牒前事以反問者意明心果在內必當先見身中如人在堂必先見如

來也汝亦下正破心在身內合見身中頗猶可也引眾以問決不能也心胃內藏縱不能知爪脉外浮云何不曉既不內知果非在內矣云何知外者謂五藏同居最爲親昵萬象離異誠謂疏遙若使不了身中豈合能知外物是故下結破然前文雙呈心目所在今乃先破妄心雖曰破妄心而但言此心無有處所卻不顯言此心是妄者要引阿難處處推呈令其情盡而理窮也由是直至七處徵心之後始告之曰此非汝心等然則七處逐破者且破妄心無所在也

首楞嚴經卷一

十七

阿難稽首而白佛言我聞如來如是法音悟知我心實居身外所以者何譬如燈光然於室中是燈必能先照室內從其室門後及庭際一切眾生不見身中獨見身外亦如燈光居在室外不能照室是義必明將無所惑同佛了義得無妄耶佛告阿難是諸比丘適來從我室羅筏城循乞搏食歸祇陀林我已宿齋汝觀比丘一人食時諸人飽不阿難答言不也世尊何以故是諸比丘雖阿羅漢軀命不同云何一人能令眾飽

復計心在外也譬如下設喻以成心不在內而在